

唐
音
統
籤

丁籤三十四李嘉祐之三

唐音統籤卷

二百八十五

五言排律

入睦州分水路憶劉長卿

北闕忬明主南方隨白雲
泃河灘草色應接海鷗群
建德潮已盡新安江又分
回看嚴子瀨卽詠謝安文
雨過暮山碧猿吟秋日曛
吳洲不可到刷髻爲思君

贈王八衢

丹地偏相逐清江若有期
腰金才子貴剖竹老人遲
桂檝開迎客茶甌對說詩
渚田分邑里山桂樹

眾愚心靜無華髮人和似古時別君遠山去幽獨
更應悲

奉和杜相公長興新宅卽事呈元相公

意有空門樂居無甲第奢經過容法侶雕飾讓侯
家隱樹重簷肅開園一逕斜據梧聽好鳥行藥寄
名花夢蝶留清簾垂貂坐絳紗當山不掩戶映日
自傾茶雅望歸安石深知在叔牙還成吉甫頌贈
答比瑤華

和袁郎中破賊後經剡縣山水上太尉

受律仙郎貴長驅下會稽鳴笳山月曉搖旆野雲

低剪冠人皆賀迴軍馬自嘶地閑春草綠城靜夜
烏啼破竹清閩嶺看花入剡溪元戎催獻捷莫道
事繁躋

送評事十九叔入秦

白露沾蕙草王孫轉憶歸蔡州新戰罷郢路去人
稀謁帝不辭遠懷親空有遶孤舟看落葉平楚逐
斜暉北闕見端冕南臺當繡衣唯余播遷客只伴
鷓鴣飛

七言律詩

江湖秋思

趨陪禁掖鴈行隨
遷向江潭鶴髮垂
素浪遙疑入
潞水清楓忽似萬年枝
嵩南春徧傷
苑夢壺口雲
深隔路歧
共望漢朝多霈澤
蒼蠅早晚得先知

晚登江樓有懷

獨坐南樓佳興新
青山綠水共爲隣
爽氣遙分隔
浦岫斜光徧照渡江人
心閑鷗鳥時相近
事簡魚竿私自親
只憶帝京不可到
秋琴一弄欲沾巾

同皇甫冉登重玄閣

高閣朱欄不厭遊
蒹葭白水遶長洲
孤雲獨鳥川
光暮萬井千山海
色秋清梵林中人轉靜
夕陽城

上角偏愁誰憐遠作秦吳別離恨歸心雙淚流

與從弟正字從凡兵曹宴集林園

竹窻松戶有佳期美酒香茶慰所思
輔嗣外生還解易惠連群從總能詩
簷前花落春深後谷裏鶯啼日暮時
去路歸程仍待月垂鞭不控馬行遲

承恩量移宰江邑臨鄱江悵然之作

四年謫宦滯江城未厭門前鄱水清
誰言宰邑化黎庶欲別雲山如弟兄
雙鷗爲底無心狎白髮從他遶髻生
惆悵閑眠臨極浦夕陽秋草不勝情

自蘇臺至望亭驛人家盡空春物增思悵然

有作因寄從弟紆

南浦菰蔣覆白蘋東吳黎庶逐黃巾
野棠自發空流水江燕初歸不見人
遠樹依依如送客平田渺渺獨傷春
那堪回首長洲苑烽火年年報虜塵

宋州東登望題武陵驛

梁宋人稀鳥自啼登壇一望倍含悽
白骨半隨河水去黃雲猶傍郡城低
平陂戰地花空落舊苑春田草未齊
明主頻移虎符守幾時行縣向黔黎

題靈臺縣東山村主人

處處征胡人漸稀山村寥落暮煙微
門臨莽蒼經

年閉身逐嫖姚幾日歸貧妻白髮輸磔稅餘寇黃
河未解圍天子如今能用武祇應歲晚息兵機

題遊仙閣白公廟

仙冠輕舉竟何之薜荔緣階竹映祠甲子不知風
馭日朝昏唯見雨來時霓旌翠蓋終難遇流水青
山空所思逐客自憐雙鬢改焚香多負白雲期

暮春宜陽郡齋愁坐忽聞枉劉七侍御新詩
因以酬答

子規夜夜啼嚶葉遠道逢春半是愁芳草伴人還
易老落花隨水亦東流山臨睥睨恒多雨地接瀟

唐書紀事
湘長及秋唯羨君爲周柱史手持黃紙到滄州

酬皇甫十六侍御曾見寄此公時貶舒州司馬

白顧衰容累玉除忽承優詔赴銅魚江頭爲避青
旌節城裏人迎露網車長沙地近悲才子古郡山
多憶舊廬更枉新詩思何苦離騷慙處亦無如

晚發咸陽寄同院遺補

征戰初休草又衰咸陽晚眺淚堪垂去路全無千
里客秋田不見五陵兒秦家故事隨流水漢代高
墳對石碑迴首青山獨不語羨君談笑萬年枝

遊徐城河忽見清淮因寄趙八

自緣遲暮憶滄州
翻愛南河濁水流
初過重陽惜
殘菊行看舊浦識
群鷗朝霞映日同
歸處冥柳搖
風欲別秋長恨
相逢卽分首
含情掩泪獨回頭

早秋京口旅泊章侍御寄書相問因以贈之
時七夕

移家避寇逐行舟
厭見南徐江水流
吳越征徭非
舊日秣陵凋弊
不宜秋千家閉戶
無砧杵七夕何
人望斗牛祇有
同時驄馬客
偏題尺牘問窮愁

赴南巴留別褚七少府

一作劉長卿詩

種田南郭傍春陂萬緒無情把釣絲綠竹放侵行
逕裏青山常對卷簾時紛紛花落門空閉寂寂鶯
啼日更遲從此別君千萬里白雲流水憶佳期

送竇拾遺赴朝因寄中書十七弟

竇拾遺叔向其弟竇

也

自歎未霑黃紙詔那堪遠送赤墀人老爲僑客偏
相戀素是詩家倍益親妻兒共載無羈思鴛鴦同
行不負身憑爾將書通令弟唯論華髮愧頭巾

送馬將軍奏事畢歸滑州使幕

吳門別後蹈滄州帝里相逢俱白頭自歎馬卿常

帶病還嗟李廣未封侯。棠梨宮裏瞻龍袞，細柳營
前著豹裘。想到滑臺桑葉落，黃河東注荻花秋。

招隱寺送闍判官還江州

一作皇山冉

離別那逢秋氣悲。東林更作上方期。共知客路浮
雲外，暫愛僧房墜葉時。長江九派人歸少，寒嶺千
重鴈度遲。借問潯陽在何處，每看潮落一相思。

送皇甫冉往安宜

江皋盡日唯煙水，君向白田何日歸。楚地蒹葭連
海迥，隋朝楊柳映堤稀。津樓故市無行客，山館荒
城閉落暉。若問行人與征戰，使君雙淚定霑衣。

送舍弟

諸謝偏推永嘉守三何獨許水曹郎
老兄鄙思難僞匹令弟清詞堪比量
疊嶂入雲藏古寺高秋背月轉南湘
定知馬上多新句早寄袁溪當八行

送從弟永任饒州錄事參軍

一官萬里向千溪水宿山行魚浦西
日晚長煙高岸近天寒積雪遠
峰低蘆花渚裏鴻相叫苦竹叢邊
猿暗啼歸道慈親倚門待到時
蘭葉正萋萋

送鄭正則漢陽迎婦

錦字相催鳥急飛郎君暫脫老萊衣
遙想雙眉待

人盡行看五馬送潮歸望夫山上花猶發新婦江
邊鶯未稀令秩和鳴真可羨此行誰道負春輝

秋曉招隱寺東峰茶宴送內弟閻伯均歸江
州

萬畦新稻傍山村數里深松到寺門幸有香茶留
釋子不堪秋草送王孫煙塵怨別唯愁隔井邑蕭
條誰忍論莫怪臨岐獨垂淚魏舒偏念外家恩

送朱中舍游江東

孤城郭外送王孫越水吳洲共爾論野寺山邊斜
有逕漁家竹裏半開門青楓獨映搖前浦白鷺閑

飛過遠村若到西陵征戰處不堪秋草白傷魂

傷歛州陳二使

憐君辭滿卧滄洲一旦云亡萬事休慈母斷腸妻
獨泣寒雲慘色水空流江村故老長懷惠山路孤
猿亦共愁寂寞荒墳近漁浦野煙朝暮卽千秋

聞逝者驚

亦知歟是人間事年老聞之心自疑黃卷清琴總
爲累落花流水共添悲願將從藥看真訣又欲休
官就本師兒女眼前難喜捨彌憐雙鬢漸如絲

六言律詩

白田西憶楚州使君弟

山陽郭裏無潮野水自向新橋魚網平鋪蒼葉鷺
鷺閑步稻苗秣陵歸人惆悵楚地連山寂寥却憶
士龍賓閣清琴綠水蕭蕭

五言絕句

春日歸山

一作春日憶家

自覺勞鄉夢無人見客心空餘庭草色
日日伴愁襟

遠寺鐘

疎鐘何處來度竹兼拂水漸逐微風聲
依依猶在

耳

白鷺

江南綠水多
顧影逗輕波
落日秦雲裏
山高柰若何

六言絕句

送陸澧還吳中

見劉長卿集才調集作嘉祐詩

瓜步寒潮送客揚
花暮州沾衣故鄉
南望何處秋
水連天獨歸

七言絕句

夜宴南陵留別

雪滿前庭月色間
主人留客未能還
預愁明日相思處
匹馬千山與萬山

題前溪館

兩年謫宦在江西
舉目雲山望自迷
今日始知風土異
潯陽南去鷓鴣啼

寄題王舍人竹樓

傲吏身閑笑五侯
西江取竹起高樓
南風不用蒲葵扇
紗帽閒眠對水鷗

題道處上人竹房

詩思禪心共竹閑
任他流水向一
到一作人間手持如

意高憲裏斜日江邊千萬山

訪韓司空不遇

圖畫風流似長康
文詞體格効陳王
蓬萊奏對歸常晚
叢竹寒煙滿夕陽

答泉州薛播使君重陽日賜酒

欲強登高無力去
籬邊黃菊爲誰開
共知不是潯陽郡
那得王弘送酒來

弟
袁江口憶王司勳王吏部二郎中起居十七

京華不啻三千里
客淚如今一萬雙
若箇最爲相

憶處青楓黃竹入袁江

過烏公山寄錢起員外

雨過青山猿呌時
愁人淚點石榴枝
無端王事還相繫
腸斷蒹葭君不知

送崔十一弟歸北京

潘郎美貌謝公詩
銀印花驄年少時
楚地江皋一爲別
晉山沙水獨相思

題韋潤州後亭海榴

江上年年小雪遲
年光獨報海榴知
寂寂山城風日暖
謝公含笑向南枝

秋朝木芙蓉

水面芙蓉秋已衰，繁條倒挂著花時。
平明露滴垂紅臉，似有朝開暮落悲。

句

水田飛白鷺，夏木轉黃鸝。

陳直齋云：李肇稱嘉祐有此句。王右丞取以爲

七言今集
中無之

白馬撼金珂，紛紛侍從多。
身居驃騎

幕，家住滹沱河。

少年行
詩式

溪北映初星。

海錄
碑事

丁籤三十五

唐音統籤卷二十六

李益字君虞姑臧人大曆四年登第授鄭縣尉久
不調去遊燕劉濟辟置幕府進爲營田副使憲宗
雅知名召爲秘書少監集賢殿學士負才凌藉士
衆不能堪諫官因暴其在濟幕詩有怨望語詔降
秩俄復舊官累遷右散騎常侍太和初以禮部尚
書致仕益詩歌與宗人賀齊名每作一篇樂工以
賂求取被聲歌供奉天子征人早行等篇天下皆
施之圖繪詩一卷唐志無今編爲三卷益從軍詩
虞長始八歲燕成亂華出身年二十三受末秩從
事十八載五在兵間故其爲文感多軍旅之思自
舊唐書
卷二百八十六
丁

建中初故府司空巡行朔野追貞元初又忝今尚
書之命從此出上郡五原四五年荏苒從役其中
雖流落南北亦多在軍戎凡所作造塞諸文皆書
奏餘事同時幕府選辟多出詞人或因軍中酒酣
或時塞上兵寢相與投劍乘筆散懷于斯文率皆
出於慷慨意氣武毅曠厲本其京國則世將之後
乃西州之遺民歟亦其坎壈當世發之所致也時
左補闕盧景亮見知于文者令予輯錄遂成五十
首贈之今綴各體後按征人歌卽回樂烽前一
絕早行篇集中無之晁公武云舊集逸者爲多
陳氏口舊史本傳云益少有癰疾陽開妻妾過於
苛酷有散灰扇戶之譏聞於時故時謂婦癡爲李
益疾今按世傳霍小玉傳載益待妻妾侍婢諸忌
克事豈小玉將歿訣絕之言果驗耶抑好事者因
其有此疾爲此
識以實之也

五言古詩

游子吟

女羞夫婿薄客耻主人賤遭遇同衆流低回經水
見君非青銅鑲何事空照面莫以衣上塵不謂心
如練人生當榮盛待士勿言倦君看白日馳何異
弦上箭

長干行

黃山谷云太白集中長干行二篇其一後篇憶妾深閨裏乃李益所作詩意

亦清麗可喜今從其說改入益集

憶妾深閨裏煙塵不曾識嫁與長干人沙頭候風
色五月南風興思君下巴陵八月西風起想君發
揚子去來悲如何見少離別多湘潭幾日到妾夢
越風波昨夜狂風度吹折江頭樹渺渺暗無邊行

人在何處好乘浮雲聽佳期蘭渚東鴛鴦綠蒲上
翡翠錦屏中自憐十五餘顏色桃花紅那作商人
婦愁水復愁風

雜曲

妾本蠶家女不識貴門儀藥砧持玉斧交結五陵
兒十日或一見九日在路岐人生此夫婿富貴欲
何爲楊柳徒可折南山不可移婦人貴結髮寧有
再嫁資嫁女莫望高女心願所宜寧從賤相守不
願貴相離藍葉鬱重重藍花若榴色少女歸少年
光華自相得誰言配君子以奉百年身有義卽夫

厝無義還他人愛如寒爐火棄若秋風扇山嶽起
面前相看不相見丈夫非小兒何用強相知不見
朝生菌易成還易衰征客欲臨路居人還出門北
風河梁上四野愁雲繁豈不戀我家夫婦多感恩
前程有日月勲績在河源少婦馬前立請君聽一
言春至草亦生誰能無別情殷勤展心素見新莫
忘故遙望孟門山殷勤報君子既爲隨陽鴈勿學
西流水嘗聞生別離悲莫悲於此同羈不同榮堂
下卽千里與君貧賤交何異萍上水託身天使然
同生復同死

置酒

置酒命所歡，憑觴遂爲戚。日往不再來，茲晨坐成
昔百齡非久長，五十將半百。胡爲勞我形，已鬢還
復白。西山鸞鶴群，矯矯煙霧翮。明訣發金井，陰洞
潛水碧。安得凌風羽，唼兹駐靈魄。無然坐衰老，慙
歎東陵柏。

竹溪

訪竹越雲崖，卽林若磻絕。寧知修幹下，漠漠秋苔
潔。清光溢空曲，茂色臨幽澈。採摘愧芳鮮，奉君歲
暮節。

水亭夜坐默得曉霧

月落寒霧起沈思浩通川宿禽囀木散山澤一蒼然
漠漠河上路茫茫云洲外田猶當依遠樹斷續欲窮天

華山南廟

陰山臨古道古廟閉山碧落日春草中舉芳薦瑤席
明靈達精意髣髴如不隔巖雨神降時回殿入松栢
常聞坑儒後此地返秦壁自古害忠良神其輔宗祏

北至太原

炎祚昔昏替皇基此鬱盤玄命久已集撫運乃良
艱南阮羊腸險北走鴈門寒始於一戎定垂此億
世安唐風本憂思王業寔艱難中曆雖橫潰天紀
未可干聖明所興國靈嶽固不殫咄咄薄遊客斯
言殊不刊

蓮塘驛

在野
昭界

五月渡淮水南行遶山陂江村遠雞應竹裡聞綠
絲楚女肌髮美蓮塘煙露滋菱花覆碧渚黃鳥雙
飛時渺渺沂洄遠憑風託微詞斜光動流睇此意
難自持女歌本輕艷客行多怨思女蘿蒙幽蔓擬

上青桐枝

月下喜邢校書至自洛

天河夜未央漫漫復蒼蒼
重君遠行至及此明月光
華屋映衰柳暗水入寒塘
客心定何似餘歡方自長

喜邢校書遠至對雨同賦
遠晚飯阮返五韻
雀噪空城陰木衰羈思遠
已蔽青山望徒悲白雲
晚別離千里風雨中同一
飯開徑說逢康臨觴方
接阮旅宦竟何如勞飛思
自返

合源溪期張計不至

霜露肅時序，緬然方獨尋。
暗溪遲仙侶，寒澗聞松禽。
寂歷茲夜永，清明秋序深。
微波澹澄夕，煙景含虛林。
素志久淪否，幽懷方自吟。

與王楚同登青龍寺上方

連岡出古寺，流睇移芳讌。
鳥沒漢諸陵，草平秦故殿。
搖光淺深樹，拂水參差鶩。
春心斷易迷，遠日傷難徧。
壯日各輕年，暮年方自見。

自朔方還與鄭式瞻崔稱鄭子周岑贊同會
法雲寺山門避暑

予本疎放士，竭來非外矯。
誤落邊塵中，愛山見山

少始投清涼宇門值煙岫表參差互明滅彩翠竟
昏曉冷冷遠風來過此群木杪英英二三彥襟曠
去煩撓游川出潛魚息陰勑飛鳥狗物不可窮唯
於此心了

罷秩後入華山採茯苓逢道者

委綬來名山觀竒恣所停山中若有聞言此不死
庭遂逢五老人一謂西嶽靈或聞樵人語飛去入
昴星授我出雲路蒼然凌石屏視之有文字乃古
黃庭經左右長松列動搖風露零上蟠千年枝陰
虬負青冥下結九秋靈流膏爲茯苓取之砂石間

異若龜鶴形况聞秦宮女華髮變已青有如上帝
心與我千萬齡始疑有仙骨鍊魂可永寧何事逐
豪遊飲啄以羶腥神物亦自闕風雷護此扁欲傳
山中寶回策忽已暝乃悲世上人求醒終不醒

入華山訪隱者經仙人壇

三考西嶽下官曹少休沐久負青山諾今還獲所
飲常聞玉清洞金簡受玄錄風駕昇天行雲霞恣
遊宿平明矯輕策捫石入空曲仙人古石壇苔蘚
青瑤局陽桂凌煙紫陰蘿冒水綠隔山聞丹經懸
泉注明玉前驚羽人會白日天居肅問我將致辭

笑之自相目疎身雲遂起仰見雙白鶴墮其一紙
書文字類鳥足視之了不識三返又三復歸來問
方士舉世莫解讀何必若蜉蝣然後爲跼促鄙哉
宦遊子身志俱降辱再往不及期勞歌叩山水

和丘員外題湛長史舊居

昔降英王顧屏身幽巖曲靈液結繁筵爽籟赴鳴
玉運惟春華至歲來山草綠青松掩落暉白雲竟
空谷伊人撫遺歎惻惻芳又縟云誰教美香分毫
寄明牧

校書郎楊炯
年以古鏡貺別今追贈以詩

明鏡出匣時，雲間月一別。青春鑑回光，照華髮。
美人惜日長，攀帶手所_{一作中}結。願以三五期，經天無玷缺。

答郭黃中孤雲首章見贈

孤雲生西北，從風東南飄。帝鄉日已遠，蒼梧無還驄。
已矣玄鳳歎，嚴霜集靈若。君其勉我懷，歲暮孰不凋。

漢中月下寄楊子尉封亮

喬若奪幽色，銜思恍無踪。宵長霜霧多，歲晏淮海風。
團團山中月，三五誰席同。露凝朱絃絕，絕觴至蘭

玉空清光液流波盛明難再逢常恐河漢遠坐候
煙景窮小人諒處陰君子樹大功永願鴈高翼慰
我丹桂叢

秋晚溪中寄懷大理齊司直

時齊分司各下有東山之期

鳳翔屬明代羽翼文蔚蔚崑崙進琪樹飛舞下瑤
池振儀自西瞻東夏復分釐國典唯平法伊人方
在斯荒寧

一作亭

析暢肅芳輝蘭玉滋明質鶯高景

飄飄縹緲綵天寒清洛苑秋夕白雲司況復空巖
側蒼蒼幽桂期歲寒坐流憑霰山川猶別離
思尊酒氛氲獨含辭缺

華陰東泉同張處士詣藏律師兼簡縣內同
官因寄齊中書

蒼崖抱寒泉淪照洞金碧潛鱗孕明晦山靈閟幽
贖前峰何其詭萬變窮日夕松老風易悲山秋雲
更白故人邑中吏五里仙霧隔美質簡瓊瑤英聲
鏗金石煩君竟相問問我此何適我因贊時理書
寄西飛翮哲匠熙百工日月被光澤大國本多士
荆岑無遺壁高網彌八紘皇圖明四關群材既兼
暢顧我在草澤貴無身外名賤有區中役忽忽百
齡內殷殷千慮迫人生已如寄在寄復爲客舊國

不得歸風塵滿阡陌

送諸暨王主簿之任

別愁已萬緒離曲方三奏遠宦一辭鄉南天異風
候秦城歲芳老越國春山秀落日望寒濤公門閉
清晝何用慰相思裁書寄關右

城西竹園送裴佶王達

歲寒凌風竹寂寞離人觴愴懷非外至沈鬱自中
腸遠行從此始別袂重淒霜

賦得早燕送別

碧草纓如綫去來雙燕燕長門未有春先入班姬

殿梁空繞復息簷寒窺欲遍今至隨紅萼昔還悲
素扇一別無秋鴻差池詎相見

聞亡友王七嘉禾寺得素琴

故人惜此去留琴明月前今來我訪舊淚灑白雲
天詎欲匣孤響送君歸夜泉撫琴猶可絕況此故
無絃何必雍門秦然後使潺湲

春晚賦餘花落

得起字

留春春竟去春去花如此蝶舞遶應稀鳥驚飛詎
已衰紅辭故萼繁綠扶凋葉自委不勝愁庭風那
更起

少年行

以下從軍詩

生長邊城傍出身事弓馬少年有膽氣獨獵陰山下偶與匈奴逢曾擒射鵰者名懸壯士籍請君少相假

飲馬歌

百馬飲一泉一馬爭上游一馬噴成泥百馬飲渴流上有滄浪客對之空歎息自顧纓上塵徘徊終日夕爲問泉上翁何時見砂石

來從寶車騎行

自朔方行作

束髮逢世屯懷恩抱明義讀書良不武學劍慙非

智遂別魯諸生來從寶車騎追兵赴邊急絡馬黃金轡出入燕南隅由來重意氣自經臯蘭戰又破樓煩地西北護三邊東南留一尉時過歎如雲參差自不意將軍失恩澤萬事從此異置酒高臺上薄暮秋風至長戟與我歸歸來同棄置自酌還自飲非名又非利歌出易水寒琴下雍門淚出逢平章舊言在天階特問我從軍苦自陳少年貴丈夫交四海徒論身自致漢將不封侯蘇卿勞遠使今我終此曲此曲誠不易貴人難識心何由知忌諱

從軍有苦樂行

時從司空冀公北征作

勞者且莫歌我歌送君觴從軍有苦樂此曲樂未

央僕居在

一作本居

隴上隴水斷人腸東過秦宮路宮

樹入咸陽時逢漢帝出諫獵至長楊詎馳遊俠窟

非結少年場一旦承嘉惠輕身

一作命

重恩光秉筆

參帷帟從軍至朔方邊地多陰風草木自淒涼斷

絕海雲去出沒胡沙長參差引鴈翼隱鱗騰軍裝

劍文夜如水馬汗凍成霜使氣五都少矜功六郡

良山河起日前睚眦死路傍北逐驅種虜西臨復

舊疆昔還軫餘資今一作贏糧一矢張夏服我弓

不再張寄語丈夫樂身自當

將赴朔方早發漢武泉

弭蓋出故關窮秋首邊路問我此何爲平生重一
顧風吹山下草繫馬河邊樹奉役良有期回瞻終
未屢去鄉幸未遠戍衣今已故豈惟幽朔寒念我
機中素去矣勿復言所酬知者遇

五城道中

見紀事

金饒隨玉節落日河邊路沙鳴後騎來鴈起前軍
度五城鳴斥堠三秦新召募天寒白登道塞濁陰
山霧仍聞舊兵老尚在烏蘭戍笳簫漢思繁旌旗
邊色故竊興倦弓甲勤役傷風露來遠賞不行鋒

交勲乃茂未知朔方道何年罷兵賦

立春日寧州行營因賦朔風吹飛雪

邊聲日夜合朔風驚復來龍山不可望千里一徘徊
捐扇破誰執素紉輕欲裁非時如桃李自是舞
陽臺

丁籤三十五李益之二

唐音統籤卷

二百八十七

七言古詩

效古促促曲爲河上思婦作

促促何促促黃河九回曲嫁與棹船郎空牀將影宿不道君心不如石那令妾貌長如玉

古別離

雙劍欲別風淒然雌沉水底雄上天江回漢轉兩不見雲交雨合知何年古來萬事皆由命何用臨歧苦涕漣

少年行

郭茂倩作漢宮少年行

君不見上宮警夜營八屯
瑟瑟街鼓朝朱軒玉堦
霜仗擁未合少年排入
銅龍門暗聞絃管九天上
宮漏沉沉清吹繁平

一作

明走馬絕馳道呼鷹挾

彈通繚垣玉籠金鎖養黃口探雛取卵伴玉孫分
曹六博快一擲迎歡先意笑聲喧巧爲柔媚學優
孟儒衣嬉戲冠沐猿晚來香街經柳市行過倡舍
宿桃根相逢酒後

一作

一言失廻朱駝白聞至尊

金張許史伺顏色王侯將相莫敢論豈知人事無
定勢朝歡暮戚如掌翻椒房寵移子愛奪一夕秋
風生戾園徒用黃金將買賦寧知白玉暗成痕持

孟收水水已覆徙薪避火火更燔欲求四老張丞
相南山如天不可上

輕薄篇

豪不必馳千騎雄不在垂雙龍天生俊氣自相逐
出與鸚鵡同飛翻朝行九衢不得意下鞭走馬城
西原忽聞燕鴈一聲去回鞍挾彈平陵園歸來青
樓曲未半美人玉色當尊尊淮陰少年不相下酒
酣半笑倚市門安知我有不平色白日欲落紅塵
昏死生容易如反掌得意失意由一言少年但飲
真相問此中報讐亦報恩

野田行

一作于鵠

日沒出古城野田何茫茫寒飈嘯青塚鬼火燒白楊昔人來爲泉下客行到此中曾斷腸

大禮畢皇帝御丹鳳門改元建中大赦

大明曠曠天地分六體負日升天門鳳凰飛來銜帝籙言我萬代金皇孫靈難鼓舞承天敎高翔百尺垂朱幡宸居穆清受天曆建中甲子合上元昊穹景命卽已至三事乃可酬乾坤升中告成答玄貺泥金檢玉昭鴻恩云亭之事畧可記七十二君寧獨尊小臣欲上封禪表

一作草

久而未召歸陵園

登天壇夜見海日

朝遊碧峰三十六夜上天壇月邊宿仙人携我攀
玉英壇上夜半東方明僊鐘撞撞迎海日海中離
離三山出霞梯赤城遙可分霓旌絳節倚彤雲八
鸞五鳳紛在御王母欲上朝元君群仙指此爲我
說幾見塵飛滄海竭竦身別我期丹宮空山處處
遺清風九州下視杳未旦一半浮生皆夢中始知
武皇求不死去逐瀛洲羨門子

塞下曲

以下從
軍詩

蕃州部落能結束朝馳暮獵黃河曲燕歌一斷塞

鴻飛牧馬群嘶避草綠秦築長城城已摧漢武北
上單于臺古來征戰虜不盡今日還復天兵來黃
河東流流九折沙塲埋恨何時絕蔡琰沒去造胡
笳蘇武歸來持漢節爲報如今都護雄匈奴且莫
下雲中請書塞北陰山石願比燕然車騎功

登夏州城觀送行人賦得六州胡兒歌

六州胡兒六蕃語十歲騎羊射沙鼠沙頭牧馬孤
鴈飛漢軍遊騎貂錦衣雲中征戍三千里今日征
行何歲歸無定河邊數株柳共送行人一杯酒胡
兒起作六蕃歌齊唱鳴鳴盡垂手心知舊國西州

遠西向胡天望鄉久回身忽作異方聲一聲回盡
征人首蕃音虜曲自難分似說邊情向塞雲故國
關山無限路風沙滿眼堪斷魂不見天邊青草塚
古來愁殺漢昭君

從軍夜次六胡北飲馬磨劍石爲祝殤辭

我行空磧見砂之磷磷與草之羃羃半沒胡兒磨
劍石當時洗劍血成川至今草與砂皆赤我因扣
石問以言水流嗚咽幽草根君寧獨不惟陰燐吹
火熒熒又爲碧有鳥自稱蜀帝魂南人伐竹湘山
下交根接葉滿淚痕請君先問湘江水然我此恨

乃可論秦亡漢絕三十國關山戰死知何極風飄
雨灑水自流此中有冤消不得爲之彈劍作哀吟
蓬砂四起雲沉沉滿營戰馬嘶欲盡畢昂不見胡
天陰東征曾弔長平苦往往晴明獨風雨年移代
去感精魂空山月暗聞鼙鼓秦坑趙卒四十萬未
若格鬪傷戎虜聖君破胡爲六州六州又盡爲胡
丘韓公三城斷胡路漢甲百萬屯邊秋乃分司空
授朔土擁以下節臨諸侯漢爲一雪萬世誓我全
抽刀勒劍石告爾萬世爲唐休又聞招魂有美酒
爲我澆酒祝東流殤爲魂兮可以還故鄉些沙塲

地無人兮爾獨不可以久留

夜上西城聽梁州

此本四韻古詩也因文苑英華分爲絕句二首仍誤

至今特改正

行人夜上西城宿聽唱梁州雙管逐此時秋月滿
關山何處關山無此曲鴻鴈新從北地來聞聲一
半却飛回金河戍客腸應斷更在秋風百尺臺

五言律詩

紫驪馬

爭場看鬪鷄白鼻紫騮嘶漳水春閨晚叢臺日向
低欽鞍珠作汗試劍爲泥爲謝紅梁驚年年妾

獨樓

春行

侍臣朝謁罷威風自相過落日青絲騎春風白紵歌
恩承三殿近獵向五陵多歸路南橋望垂楊拂細波

晚春卧病喜振上人見訪

卧床如舊日窺戶易傷春靈壽扶衰力芭蕉對病身
道心空寂寞時物自芳新旦夕誰相訪唯當攝上人

尋紀道士偶會諸叟

山陰尋

一作逢

道士映竹羽衣新侍坐雙童子陪遊

五老人水花松下淨壇草雪中春見說桃源洞如
今猶避秦

同蕭鍊師宿太一廟

微月空山曙春祠謁少君落花壇上掃

一作掃

流水

洞中聞酒引芝童真香餘桂女焚鶴飛將羽節遙
向赤城分

入南山至全師蘭若

水落水歸壑寂然無始心南行有真子被褐息山
陰石路瑤草散松門寒景深吾師亦何教自起定

中吟

喜入蘭陵望紫閣峰呈宣上人

蓮草開三徑
巢林喜一枝
地寬留種竹
泉淺飲園池
繁開當臘牖
青松入壞籬
從今安僻陋
蕭相是吾師

述懷寄衡州令狐相公

調元方翼聖
軒蓋忽言東
道以中樞密
心將外理同
白頭生遠浪
丹雘下高楓
江上蕭疎雨
何人對謝公

竹窓聞風寄苗發司空曙

微風驚暮坐臨牖思悠哉開門復動竹疑是故人
來時滴枝上露稍沾一作曙下苦何當一入幌爲
拂綠琴埃

洛陽河亭奉酬留守群公追送

文苑英華
誤作李逸

離亭餞落暉臘酒減征衣歲晚煙霞重川寒雲樹
微戎裝千里至舊路十年歸還似汀洲鴈相逢又
背飛

喜見外弟又言別

十年亂離後長大一相逢問姓驚初見稱名憶舊
容別來滄海事語罷暮天鍾明日巴陵道秋山又

幾重

長社寶明府宅夜送王屋道士常寃子

且隨三鳥去羽節凌霞光暮與雙鳬宿雲車下紫
陽天壇臨月近洞水出山長海嶠年年別丘陵徒
自傷

送人南歸

人言下江疾君道下江遲五月江路惡南風驚浪
時應知近家喜還有異鄉悲無柰孤舟夕山歌聞
竹枝

送同落第者東歸

東門有行客落日滿前山聖代誰知者滄洲今獨
還片雲歸海幕流水背城關余亦依嵩顙一作松
花深閉關

送人流貶

漢章雖約法秦律已除名謗遠人多感官微不自
明霜風先獨樹薄雨失荒城疇昔長沙事三年召
賈生

哭栢巖禪師

通與傍人別臨終盡不愁影堂誰爲掃坐塔自看
修白日鐘邊曉青苔上秋天涯禪弟子空到栢

遊

罷鏡

手中青銅鏡照我少年時
衰颯一如此清光難復
持飲令孤月掩從遺半心
疑縱使逢人見猶勝自
見悲

賦得垣衣

漠漠復霏霏爲君垣上衣
昭陽輦下草應笑此生
非掩藹青春去一作暮
蒼茫白露晞猶勝萍逐水流
浪不相依

赴邠寧留別

以下從
軍詩

身承漢飛將束髮卽言兵俠少何相問從來事不
平黃雲斷朔吹白雪擁沙城幸應邊書募橫戈會
取名

獻劉濟

史謂並詩怨望
指後感恩二語

草綠古燕州鶯聲引獨遊鴈歸天北畔春盡海西
頭向日花偏落馳年水自流感恩知有地不上望
京樓

送柳判官赴振武

遶庭漢儀重旌甲事雲中虜地山川壯單于鼓角
雄關寒塞榆落月白關天風君逐嫖姚將麒麟有

戰功

送客歸振武

駿馬事輕車軍行萬里沙胡山通咽落漢節繞渾
邪桂滿天西月蘆吹塞北笳別離俱報主路極不
爲賒

送韓將軍還邊

白馬羽林兒揚鞭薄暮時獨將輕騎出暗與伏兵
期雨雪移軍遠旌旗上隴遲聖心戎寄重未許讓
恩私

送常曾侍御使西蕃寄題西川

涼王宮殿盡蕪沒隴雲西今日聞君使雄心逐鼓
鼙行當收漢壘直可取蒲泥舊國無由到煩君走

夜上受降城聞笛

一作戎昱

入夜思歸

一作思歸

切笛聲清更哀愁人不願聽自到

枕前來風起塞雲斷夜深關月開平明獨惆悵落

一作盡庭梅

五言小律

並從軍詩

登長城

郭茂倩作塞下曲

漢家今上郡秦塞古長城有日雲長慘無風沙自

驚當今聖天子不戰四夷平

觀回軍

行行上隴頭隴月暗悠悠萬里將軍沒回旌隴戍
秋誰令嗚咽水重入故營流

五言排律

春日晉祠同聲會集得疎字韻

風壤瞻唐本山祠閱晉餘水亭開密幕巖榭引簫
裾地緣苔猶少林黃柳尚疎菱荇生皎鏡金碧照
澄虛翰苑聲何舊賓筵醉止初中州有遼鴈好爲
繫邊書

宿馮翊夜雨贈主人

危心驚夜雨起望漫悠悠氣耿殘燈暗聲煩高樹
秋涼軒辭夏扇風幌攬輕裯思緒蓬初斷歸期燕
暫留關山萬已失臉淚迸難收賴君時一笑方能
解四愁

送襄陽李尚書

天寒發梅柳憶昔到襄州樹暖燃紅燭江清展碧
油風煙臨峴首雲水接昭丘俗尚春秋學詞稱文
選樓都門送旌節符竹領諸侯漢沔分戎寄黎元
戒聖憂時追山簡興本自習家流莫廢思康樂詩

情滿沃州

送歸中丞使新羅冊立弔祭

一作李端詩

東望扶桑日何年是到時
片帆通雨露積水隔華夷
浩渺風來遠虛明鳥去遲
長波靜雲月孤島宿旌旗
別葉傳秋意迴潮動客思
滄溟無舊路何處問前期

府試古鏡

舊是秦時鏡今藏古匣中
龍盤初挂月鳳舞欲生風
石黛曾留殿朱光適在宮
應祥知道泰鑑物覺神通
肝膽誠難隱妍媸信易窮
幸居君子室長願

城獨去遲爲問東州故人道江淹已擬惠休詩

過五原至飲馬泉

一作鹽州胡兒飲馬泉從軍詩

綠楊着水草如煙舊是胡兒飲馬泉幾處吹笳明月夜何人倚劍白雲天從來凍合關山路今日分
流漢使前莫遣行人照容鬢恐驚憔悴入新年

丁籤三十五李益之三

唐音統籤卷

二百八十八

五言絕句

江南詞

嫁得瞿塘賈朝朝悵妾期早知潮有信嫁與弄潮兒

金吾子

繡帳博山鑪銀鞍馮子都黃昏莫攀折驚起欲栖烏

鷓鴣詞

湘江斑竹枝錦翅鷓鴣飛處處湘雲

一作陰合郎從

何處歸

登白樓見白鳥席上命鷓鴣辭

一鳥如霜雪飛向白樓前問君何以至天子太平年

上洛橋

金谷園中柳春來似舞腰何堪好風景獨上洛陽橋

揚州懷古

故國歌鐘地長橋車馬塵彭城閣邊柳偏似不勝春

下漏樓

話舊今應遠逢春喜又悲看花行拭淚倍覺下樓遲

贈內兄盧綸

世故中年別餘生此會同却將愁與病來一作獨對

朗陵翁

答廣宣供奉問蘭陵居

居北有朝路居南無住人勞師問家第山色是南鄰

嘉禾寺見亡友題壁

今日憶君處憶君君豈知空餘暗塵字讀罷淚仍垂

書院無曆日以詩代書問路侍御六月大小
野性逃堯曆松窓有道經故人爲柱史爲我數堦
奠

照鏡

衰髮朝臨鏡將看各自疑慙君明似月照我白如
絲

立秋前一日覽鏡

萬事銷身外生涯在鏡中惟將滿鬢雪明月對秋

風

乞寬禪師瘿山疊呈宣供奉

石色凝秋蘚峰形若夏雲誰留秦苑地好贈杏溪
君

答賢二曹長留酒還榼

榼小非由榼星郎是酒星解醒元有數不用嚇劉
伶

聽唱赤白桃李花

赤白桃李花先皇在時曲欲向西宮唱西宮官樹
綠

代人乞花

繡戶朝眠起，開簾滿地花。
春風解人意，吹落妾西家。

聞鷄贈主人

嗚嗚司晨鳴，報爾東方旭。
無事戀君軒，令君重寤鵠。

水宿聞雁

早鴈忽爲雙，驚秋風水窓。
夜長人自起，星月滿空江。

揚州早雁

江上三千雁年年過故宮可憐江上月偏照斷根蓬

觀騎射

以下從
軍詩

邊頭射鵬將走馬出中軍遠見平原上翻身向暮雲

題太原落漠驛西堠

時佐劉幕
幽州賦詩見意
一作

征戍在桑乾年年薊水寒殷勤驛西堠此去到長

安

堠一作路此一
作北到一作向

石樓山見月

紫塞連年戍黃砂磧路窮誰人今夜宿見月石樓

中

軍次陽城烽舍流泉

何地可潸然陽城烽舍邊今朝望鄉客不飲北流泉

賦得路傍一株柳送邢校書赴延州使府

路傍一株柳此路向延州延州在何處此路起悠悠

重贈邢校書

俱從四方士共會九秋中斷蓬與落葉相值各因風

惜春傷同幕故人孟郎中杜侍御兼呈去年
看花友

畏老身全老逢春解惜春今年看花伴已少去年
人

七言絕句

古瑟怨

破瑟悲秋已滅絃湘靈沉怨不知年感君拂拭遺
音在更奏新聲明月天

漢宮詞

漢室長陵小市東珠簾繡戶對春風君王昨日移

仙仗玉輦將迎入漢中

宮怨

露濕晴花春殿香月明歌吹在昭陽似將海水添
宮漏共滴長門一夜長

江南曲

一作韓
翃詩

長樂花枝雨點銷江城日暮好相邀春樓不閉歲
華鎖綠水回連宛轉橋

汴河曲

汴水東流無限春隋家宮苑已成塵行人莫上長
堤望風起楊花愁殺人

寫情

水紋珍簾思悠悠千里佳期一夕休從此無心愛
良夜任他明月下西樓

九月十日雨中過張伯雄期柳雄未至

柳吳興近無消息張長公貧苦寂寥惟有角巾霑
雨至手持殘菊向西招

詣紅樓院尋廣宣不遇留題

柿葉翻紅霜景秋碧天如水倚紅樓隔窓愛竹無
人問遣向鄰房覓戶鉤

行舟

柳花飛

一作吹

入正行舟卧引菱花信碧流聞道風

光滿楊子天晴共上望鄉樓

上汝州郡樓

黃昏鼓角似邊州三十年前上此樓今日山川對
垂淚傷心不獨爲悲秋

宿石邑山中

浮雲不共此山齊山靄蒼蒼望轉迷曉月暫飛高
樹裏秋河隔在數峰西

過馬嵬

漢將如雲不直言寇來翻罪綺羅恩託君莫

一作不

洗蓮花血留寄千年妾淚痕

奉和武相公郊居寓目

黃扉晚下禁垣鍾歸坐南闌山萬重獨有月中高
興盡雪峰明處見寒松

中橋北送穆質兄弟應制獻贈蕭二策

洛水橋邊鴈影疎陸機兄弟駐行車欲陳漢帝登
封草猶待蕭郎寄內書

寄贈衡州楊使君

湘竹斑斑湘水春衡陽太守虎符新朝來笑向歸
鴻道早晚南飛見主人

途中寄李二

一作友
昱詩

楊柳煙含灞岸春年年攀折爲行人好風若借低
枝便莫遣青絲掃路塵

寄許鍊師

一作戎
昱詩

掃石焚香禮碧空露華偏濕藥珠宮如何說得天
壇上萬里無雲月正中

逢歸信偶寄

無事將心寄柳條等閑書字滿芭蕉鄉關若有東
流信遣送楊州近驛橋

送人歸岳陽

煙草連天楓樹齊
岳陽歸路子規啼
春江萬里巴陵戍
落日看沉碧水西

送客還幽州

惆悵秦城送獨歸
薊門雲樹遠依依
秋來莫射南飛鴈
從遣乘春更北飛

楊州送客聞笛

南行直入鷓鴣群
萬歲橋邊一送君
笛裏望鄉聽不得
梅花暗落嶺頭雲

柳楊送客

青楓江畔白蘋洲
楚客傷離不待秋
君見隋朝更

何事柳楊南渡水悠悠

失題

世故相逢各未閒
百年多在別離間
昨夜秋風今夜雨
不知何處入空山

避暑女冠

霧袖煙裙

一作裙

雲母冠碧琉璃

一作花瑤

簾井冰寒焚

香欲降三青鳥靜拂

一作掃

桐陰上玉堦

春夜聞笛

寒山吹笛喚春歸
遷客相看淚滿衣
洞庭一夜無窮鴈
不待天明盡北飛

詠牡丹贈從兄正封

紫藥叢開未到家，却教遊客賞繁華。
始知年少求名處，滿眼空中別有花。

隋宮燕

燕語如傷舊國春，宮花旋落已成塵。
自從一閉風光後，幾度飛來不見人。

奉和武相公春曉聞鶯

蜀道山川心易驚，綠窓殘夢曉聞鶯。
分明似雪文君恨，萬怨千愁絃上聲。

塞下曲

以下從
軍詩

伏波惟願裹尸還定遠何須生入關
莫遣隻輪歸海窟仍留一箭射天山

回軍行

關城榆葉早踈黃日暮沙雲古戰場
表請回軍掩塵骨莫教士卒哭龍荒

邊思

腰懸錦帶佩吳鉤走馬曾防玉塞秋
莫笑關西將家子祗將詩思入涼州

邠寧春日

桃李年年上國新風沙日日塞垣人
傷心更見庭

萬柳忽有千條欲占春

從軍北征

天山雪後海風寒橫笛偏吹行路難
磧裏征人三十萬一時回首月中看

赴渭北宿石泉驛南望黃堆烽

邊城已在虜塵中烽火南飛入漢宮
漢庭議事先黃老麟閣何人定戰功

上黃堆烽

心期紫閣山中月身過黃堆烽上雲
年髮已從書劍老戎衣更逐霍將軍

統漢烽下

統漢烽西降戶營黃沙白骨擁長城只今已勒燕
然石胡地無人空月明

莫過回樂烽

烽火高飛百尺臺黃昏遙自磧西來昔時征戰回
應樂今日從軍樂未回

拂雲堆

漢將新從虜地來旌旗半上拂雲堆單于每近沙
場獵南望山陰哭始回

暖川

朔風凍合鵝鵝泉牧馬千群逐暖川塞外征行無
盡日年年移帳雪中天

度破訥沙二首

眼見風來沙旋移經年不省草生時莫言一作塞

北無春到色一作色總有春來何處知

破訥沙頭鴈正飛鵝鵝泉上戰初歸平明日出東
南地滿磧寒光生鐵衣

臨滹沱見蕃使列名

漠南春色到滹沱邊柳青青塞馬多萬里江山今
不開漢家頻許郅支和

答許五端公馬上口號

晚逐旌旗俱白首，少遊京洛共緇塵。
不堪身外悲前事，強向杯中覓舊春。

夜宴觀石將軍舞

微月東南上，戍樓琵琶起舞錦纏頭。
更聞橫笛關山遠，白草胡沙西塞秋。

聽曉角

一作王昌齡

邊霜昨夜墮關榆，一作繁霜一夜落平蕪吹角當城片月孤。
無限塞鴻飛不度，秋風吹入小單于。

夜上受降城聞笛

本傳云此篇天下以爲歌詞

圓樂烽前沙似雪受降城上月如霜不知何處吹
蘆管一夜征人盡望鄉

句

見張爲
主客圖

閑庭草色能留馬當路楊花不避人

聯句附

趙琦美得之孫蘭公
本今行世本無之

廣宣

見唐叢

杜羔

洹水人登貞元進士
第官終工部尚書

韋執中

見已籤

諸葛覺

無考

賈島

見本籤後

法振

見庚錄

宣上人病中相尋聯句

策杖迎詩客，歸房理病身。閑收無效藥，遍寄有情

人

廣宣

草木分千品，方書問六陳。還知一室內，我爾

即天親

益

八月十五夜宣上人獨遊安國寺山庭院步

人遲明將至，因話昨宵乘興聯句

九重城接天花界，三五秋生

一作分

一夜風行聽漏

聲雲散後遙聞天語月明中

廣宣

會涼閣迥

一作近

通

仙掖承露盤高出，上官誰問獨愁門外客清談不

與此宵同

益

重陽夜集蘭陵居與宣上人聯句

蟋蟀催寒服茱萸滴露房酒巡明刻燭籬菊暗尋

芳

益

新月和秋露繁星泚夜霜登高今夕事九九

是天長

廣

與宣供奉携瘦樽歸杏溪園聯句

千畦抱甕園一酌漉樽酒唯有沃洲僧時過杏溪

叟

益

追歡君適性獨飲我空口儒釋事雖殊文章

意多偶

廣

蘭陵僻居聯句

潘岳閑居賦陶潛獨酌謡二賢成往事三徑是今

朝

廣

生幸逢唐運昌時奉帝堯進思諸啟沃退混

卽漁樵

李益

蠹簡封延閣彫欄閣上霄相從清曠地

秋露挹蘭蓀

杜羔

天津橋南山中各題一句

野坐分苔席

李益

山行遶菊叢

常執中

雲衣惹不破

諸葛

秋色望來空

賈島

紅樓下句

佛刹接重城紅樓切太清紫雲連照耀丹檻鬱崢

嶸

廣

懷棟煙虹入軒窓日月平參差五陵晚分背

八川明

李益

松韻風初過蓮陂浪欲傾敬瞻疑涌見

圍繞學無生

杜羔

賦應門照綠苔

宮闕何年月應門何歲苔清光一以照白露共徘徊

徊

益

珠履久行絕玉房重未開妾心正如此昭陽

歌吹來

法振